

Moore - Neere-Wēng Tagsg Guls-Sōamyā - Good-Bad Mind Scriptures

Moore - Neere Tagsg Guls-Sōamyā - Good Mind Scriptures

Mark 5:15 Bāmb waa a Zezi nengē, la b yāa ned ning zīn sēn boond tū Tusa wā sēn dag n tarā, t'a yer fut n zīē, n mi a nenga.

Luk 8:35 Nebā kēngame n na n tū ges būmb ning sēn maanā. Bāmb waa a Zezi nengē, la b yāa rao ning zīn-dāmbā sēn yi n basā t'a zī a Zezi sēegē, n yer futu, n tar yam sōama. La rabeem yōka bāmba.

Tūuma 17:11 Zuif-rāmb nins sēn dag n be Beere wā da tara yam sōng n yūd sēn be-b Tesalonikā. Bāmb deega Wēnnaam koēegā ne b sūyā fāa. La daar fāa, bāmb da vēesda guls sōamyā n dat n bāng būmb nins b sēn yet bāmbā sā n yaa a sida.

Tūuma 20:19 Mam tuma Zu-soab yīng ne sik-m-menga, baa ne nintāmā, la tood nins mam sēn paamā, Zuif-rāmbā sēn da set n dat n ku maamā.

Rom 7:25 Bi d pūus Wēnnaam bark tōnd Zu-soab a Zezi Kirist maasem yīnga... Woto, ne mam yam-wekre, mam yaa Wēnnaam tōogā yamba, la sā n yaa ne mam yīngā, mam yaa yel-wēnā tōog yamba.

Rom 8:6 Yīngā ratem sakr wata ne kūum, la Sūgā ratem sakr wata ne vūm la bāane.

Rom 8:27 La soab ning sēn feesd sūyā mii būmb ning Sūgā sēn data. Bāmb yōkda Wēnnaam sēeg nin-sōamyā yīng wa sēn zemsd Wēnnaam daabo.

Rom 11:34 ãnna n bāng Zu-soabā tagsgo? Wall ãnna n yīl bāmb sagenda?

Rom 12:2 Da yīl-y wa dūni kāngā nebā ye. Paam-y yam-wek-paalle, tū rē tek yāmba, tū y tōe n bāng Wēnnaam daabo: Rē yaa sōama, n noomē la a zemsa zānga.

Rom 12:16 Paam-y tags a yen taab yīnga. Da bao-y tū paam bōn-kāsems ye. Kīt-y tū y ratem zīnd ne bōn-talse. Da ges-y y mens wa yam dāmb ye.

Rom 14:5 Nina tagsdame tū daar yūda a to. Tū ned a to getē tū b zema taaba. Bi ned fāa bāng t'a sēn tagsdā zemsame.

Rom 15:6 tū yāmb na kō Wēnnaam sēn ya tōnd Zu-soab a Zezi Kirist ba wā waoogre, ne yam a yembre la koēeg a yembre.

1 Korēnt 1:10 M ba-biisi, mam bōosda yāmb ne tōnd Zu-soab a Zezi Kirist yūvre, tū y kīt tū y goama tūud taaba, tū welgr da zīnd yāmb suk ye. Zems-y taab sōama ne yam a yembre, tags a yembr pugē.

1 Korēnt 2:16 Sīd me, ãnna soab n bāng Zu-soabā tags n na n sagl-ba? La ne tōndo, tōnd tara Kirist tagsgo.

2 Korēnt 7:7 La ka ne a Tit waoongā bal ye, leb n yaa ne belsg ning yē sēn

paam yāmb nengē wā me. Yē togsa tōnd yāmb sēn dat maam wusg to-to wā, yāmb nintām la y sēn dat n sōng maam to-to wā. Rē kitame tī mam paam sū-noog wusg n paase.

2 Korēnt 8:12 Bala, ned sā n tar datem tī kō wa sēn zems yē sēn tar būmb ningā, a tata Wēnnaam yam n yūd yē sēn na n dat n kō būmb ning yē sēn ka tarā. (1 Chronicles 28:9)

2 Korēnt 9:2 Sīd me, mam mii yāmb ratem sōngā, la mam pēga m meng yāmb weēngē Masedoan neba taoor n yeel tī Akayi neba rag n seglame n se hal rūgē, la yāmb sēn modgdā kitame tī neb wusg me rat n maane.

2 Korēnt 13:11 La sēn keta, m ba-bisi, paam-y sū-noogo, modg-y n zems-y zānga. Sagl-y taaba, paam-y yam a yembre, zīnd-y ne taab ne bāane. La Wēnnaam sēn ya nonglem la laaf soabā na pa ne yāmba.

Efēes 4:23 Ia tī Sūgā tek yāmb yamā,

Filip 2:2-5 bī y paam nonglem a yembre, la yam a yembre, la datem a yembre, tī mam sūurā yī noog zānga. 3 Da maan-y būmb baa fi ne geesem-geesem wall ne wuk-m-meng ye, la bī ned kam fāa paam sik-m-meng yam n tags tī neb a taaba yūda yēnda. 4 Bī yāmb ned kam fāa ra ges a meng sōngr yell bal ye, la bī a ges neb a taaba sōngr yell me. 5 Paam-y yam ning a Zezi Kirist sēn da tarā.

Filip 4:2 Mam sagenda a Evodi ne a Sēntiis tī b paam yam a yembr Zu-soabā tūudum pugē.

Filip 4:7 La Wēnnaam laafi wā sēn yūd ninsaalbā bāngr fāa wā na n gūu yāmb sūya ne y tagsdā a Zezi Kirist puga. (Ezayi 26:3)

Kolosē 3:12 Dē wā yīnga, yāmb sēn ya Wēnnaam nin-tūusdsi, la neb sēn welg toorā, la neb Wēnnaam sēn nong wusgā, bī y yelg nimbāan-zoeer meng menga, la sōmblem, la sik-m-menga, la sū-bugsem, la sū-mar wa futu.

2 Tesalonik 2:2 tī y ra sak tī y yam yuus tao-tao, wall tī rabeem yōk yāmba, neb sēn yet tī Zu-soabā waoong zoe n loogame wā yīng ye. Bala, neb tōe n gomame n yeel tī yaa bāngr goama, wall b gome, wall b yeel tī tōnd n guls n yeel a woto.

2 Tūmote 1:7 Bala, ka rabeem Sūg la Wēnnaam kō tōnd ye, la yaa pānga, la nonglem, la yam Sūga.

Tit 2:6 Sagl kom-būsā tī b yī mi-m-nems-rāmb būmba fāa pugē.

Hebre 8:10 Zu-soaba yeelame yaa: Ad kaool ning mam sēn na n maan ne Israyel buudā da-kāsensā loogr zugē: Mam na n ninga m tōodā b yamē wā, mam na n guls-b-la b sūyē wā. Mam na n yū bāmb Wēnnaam, la bāmb na n yū mam neba.

1 Piyēer 1:13 Yaa woto yīnga, yōk-y y tagsgo, yī-y gūus-m-mens-rāmba, la y paam tēeb pidsg gūudum sēn ya sōama zāng ne bark ning b sēn na n kō yāmb Kirist waoongā wakatā.

1 Piyeeer 5:2 Rulg-y Wēnnaam piisā sēn be ne yāmbā. La ka ne modgr ye, yaa ne yamleoogo wa sēn zems Wēnnaam daabā. La ka paoong ratem yīng ye, yaa ne sūur sēn ya sōama.

2 Piyeeer 3:1 Mam zo-nongdse, ade, zoe n yaa sebr a yiib-n-soab mam sēn gulsd yāmba. Sēb a yiibā fāa puse, mam tēegda yāmba, sēn na n yl tī yāmb yamā puk vēenega,

Zak 1:17 Kūun-sōng fāa la kūn sēn zems zāng fāa yita yīngri, vēenem ba wā nengē. Tekre, wall toeoong ka be bāmb pugē baa bilf ye. (Zoob 23:13)

Vēnegre 17:9 Bāngr sēn yit ne yam n tog n zīnd ka: Zut a yopoe wā yaa tāms a yopoe nins pagā sēn zao b zutā.

Moore - Wēng Tagsg Gul-Sōamyā - Bad Mind Scriptures

Mark 7:21 Bala, yaa pugē, ninsaalb sūyā pus la bōn-wēnsā yita: tags-wēnse, tuum-dēgdo, (Ezekyel 38:10)

Luk 12:29 Dē wā, bī y da nams y mens n baood y sēn na n dī būmb ninga, wall y sēn na n yū būmb ning ye.

Tuuma 12:20 Herood sūur puuga wusg ne Tūr la Sidō nebā. Nin-kāensa zemsa taab n na n kēng Herood nengē bāmb yāga zood ne sōgen ning sēn manegd rīma roogā, la b waa Herood nengē n na n bao tī laafi zīnd bāmb ne rīma suka, suka, bala rīma soolma n dag n dīl bāmb tēngā.

Tuuma 14:2 La Zuif-rāmb nins ka tē wā rāmba bu-zēmsā n kīt tī b sūyā sāam ne karen-biisā.

Rom 1:28 Bāmb sēn ka tags tī yaa sōama tī bāng Wēnnaamā, Wēnnaam basame tī b tūud b tagsdā sēn ya wēnsā, tī b maand būmb sēn ka zems ye.

Rom 8:6,7 Yīngā ratem sakr wata ne kūum, la Sūgā ratem sakr wata ne vūm la bāane. 7 Bala, yīngā ratem sakr yaa beem ne Wēnnaam, tī bōe, yīngā ka sakd Wēnnaam tōogā ye, la a pus n ka tōe n sak-a me ye.

Rom 11:20 Yaa sōama yē. Yaa b ka-tēebā yīng la b sēn kuus-bā. La yaa tēeb yīng la fo ket n vi. Da paam wuk-m-meng tagsg ye, ayo, maan dabeem.

2 Korēnt 10:5 Tagsd nins ne būmb nins fāa sēn zēkd b mens n zabdē tī nebā kōn bāng Wēnnaamā, tōnd leebd-b lame n lubdē, la tōnd tōogda tagsd buud fāa n kīt tī b sak Kiristā.

2 Korēnt 11:3 La baoosgo, a wa waafā sēn maan silem n zāmb a Awa wā, mam yēesdame tī yāmb yam na n wa wēnemd n lebg wēng n kīt tī y bas y sōmblema ne y pu-peelma y sēn tar Kirist yīngā.

Efēes 2:3 Tōnd fāa me rag n bee bāmb suka, la tōnd dag n vūl wa sēn zems tōnd yīngā datem wēnsā. Tōnd dag n tumda wa tōnd yīngā sēn date, la sēn zems

tōnd tagsdo, la tōnd dag n yaa neb sēn na n paam Wēnnaam sibgr wa neb a taabā.

Efēes 4:17 Woto yīnga, ad būmb ning mam sēn yet yāmba, la m sēn kīt a kaset Zu-soabā pugē: Yaa tī yāmb ka tog n leb n kēn wa neb nins sēn ka puusd Wēnnaamā ye. Bāmb kēnda wa sēn zems b tagsg sēn ka yōodā.

Kolosē 1:21 La yāmb sēn dag n ya sāamb la y ya bēeb y tagsdā ne y tuum-wēnsā yīng pīndā, (Yel-būna 21:27; Ezekyel 23:17)

Kolosē 2:18 Da sak-y tī ned sēn maand wa a yaa sik-m-meng soaba la sēn puusd malegs belg yāmb wa a sēn date, n kīt tī y kong y zoeesa keoor ye. Ned a woto buud teegda yāab buud toay-toaya, t'a ninsaalem tagsdā kīt t'a pid ne wuk-m-meng zaalem

1 Tesalonik 5:14 D Ba-bīsi, tōnd bōosda yāmb tī y keoog neb nins sēn vī yaarā, la y paas neb nins raood sēn boogā raoodo, la y tebel pān-komsem dāmba, la y maan sū-mar ne nebā fāa.

2 Tesalonik 2:2 tī y ra sak tī y yam yuus tao-tao, wall tī rabeem yōk yāmba, neb sēn yet tī Zu-soabā waoong zoe n loogame wā yīng ye. Bala, neb tōe n gomame n yeel tī yaa bāngr goama, wall b gome, wall b yeel tī tōnd n guls n yeel a woto.

1 Tīmote 6:5 tī neb nins sūs sēn kē belgr pugē wā wēed nokoeem n ka basdē ye. Bāmb dāmb ka tar sīd ye, la b rīka Wēnnaam sakrā tī yī arzegs baoob sore.

2 Tīmote 3:8 Wa a Zanes ne a Zambres sēn kūs a Moyiisā, nin-kāensā kūsda sīdā me a woto. Bāmb yaa neba, b tagsg sēn sāame, la b tēebā ka yalsd makr wakat ye.

Tit 1:15 Būmba fāa yaa yilemd ne neb nins sēn ya ylma. La neb nins sēn maand yel-wēna la sēn ka tēedbā, baa fūt ka yilemd ne bāmb ye. Bāmb yama ne b sū-bāngra rēgmame.

Hebre 12:3 Ges-y soab ning yel-wēn maandbā sēn nams b yōorā, tī yāmb da wa ya ye, la tī y raood da boog ye.

Zak 1:8 A yaa ned sēn ya yam a yiib soaba, t'a yam yuusd a sēn maandā fāa pugē.

Pastor T. John Franklin
Church of Salvation, Healing, and Deliverance
COS-HAD.org